

علوم غزته سي

العدد - ٢١

# همزه ممدوده

(آ)

همزه ممدوده . عربی ده برنجی حرف همزه در . همزه الف متحرک در الف ایله همزه نك فرق وار الف حروف سبعة ردیفه دن ( تخذضظغلا ) لای چکن ساکن اولوب فقط لاحق اولدیغی حرفك فتحه ثقیله سنه علامت در حروف هجاء دن یکر می سکرنجی حرف در لام الف ( لا ) تسمیه اولنور اما مراد الف ساکن اولوب اولنده کی لام ( ل ) مجرد الف ساکنه نك علامت اولدیغی قوت صدایی اداء ایچون یازیلور وتلفظ اولنور یوسفه لام ( ل ) حرفی یوقاروکی حروف ایچنده یکمشددر .

دنیا ده اوچ لسان وار که آنلرده الف موجود در ۱ عربی . الف یکر می سکرنجی حرف در لام ایله ضبط اولنمشدر ( لا ) ۲ حبشی . الف اون اوحنجی حرف در کذا لام ایله ( لا ) ۳ رزیک . الف اونجی حرف در کذا ( لا ) بونلردن بشقه لسانلرده الف مخصوص اولمایوب آتجق بربرنجی حرف وار که اوله داخل ایسه همزه ممدوده سسی ویردیرر و لاحق ایسه الف ساکن اولور ؛ ( همزه مفتوحه فصانده الف کله سنه مراجعت )

آ . . . . . ترکیه صوت تعجب . قادیئلرک «آبو» کله سسی بومقوله دن اولنق کرک که (آ) عجائب (بو) بو بویله می یاخود بو بویله اولور می کی برتقدیرده . بعضا صوت زجر در اکثریا صیاتی منع ایچون زجر اداسیله آ دیرلر . عربی ده دوه سور یسنه مخصوص صوت زجر اولدیغی کی بعضا ذیروح و بی روح اشیا دن مسموع صوتی حکایه اولور

آ . . . . . فارسی ده اصلی آی یا کی چاغرش و دعوت ایدش در

آ . . . . . لسان براهمه و یونان ولاتین ده اکثر کله ل اولنه دایمل اولور

اذات سلب در مثلا « آته » کله سی یونانی دن مأخوذ بی اله یعنی الله  
ایناغز دهری دیک

آ. فن صیده ده مساوات اجزایه اشارت در مثلا طیب اجزایه یازد یعنی  
رچته ده یاخود آ. یازسه « هر جوهر دن مقدار مساوی » دیک  
فرانسز سکه لری اوزرنده آ. حرفی کوریلور « ضرب فی پارس »  
مراد در پویچه اوراقی اوسته یازیلان بالاکز آ. قبولنه اشارت و آ. P.  
پروتستویه یعنی عدم قبولنه نشان در .

{آ}

کله فی الاصل ای. بی جرمان لسانده ماء معناسنه اولمله بعض  
انهاره علم اولشدر حالا روسیده آ. نهری وانندان نام قصبه بی اسقاء ایدن  
دره در که ۲۳۰ کیلومتر مسافه قضع ایتدکن صکره ریغه کورفرینه دوکیلور  
فرانسه ده آ. نهری سنت او مردن یکن دره در که غراولن ده مانس ذکرینه  
منصب اولور جریان ایتدیکی مسافه ۴۸ کیلومتر در  
اسویچره ده وهولاندا وکذا پروسیاده آ. . . . اسمنده کوچک کوچک  
دره ل چوقدر . . . .  
آ. . . . نهر معناسنی اشعار ایچون خیلی اسامی آخرینه الحاق اولمش در  
مثلا بولدر - آ. . . . تره در - آ روسیده نهردر . ذکر اولنور .  
اسکی جرمان آما کلتوس آق یاخود آخ لاتین آقا  
غوث آوا فرس آب شوکله لک فی الاصل اتحادی انکار  
اولنه مازدها تعمیق نظر اولنورسه آ ایله عربی ماء وغوثیق آوا  
ایله سناقسون وا وشمی انکلیز وا - تر وکذا آ ایله  
فرانسزجه او ( ضمد ثقيله ایله قوزننده ) وترکجه سو وشمی صنو  
کله لری دخی فی الاصل اتحاد ایدر ( وادی کله سنه دخی مراجعت )

## ﴿ آء ﴾

عربی . ارض نجدہ مخصوص سرح نام شجرک اوزومہ بکرز  
 وصاری رنگلی میثی . اکل اولنور لذیذدر . ادویہ یہ دخی قاتارلر وانکلہ  
 دری دباغت ایدرلر عربی ده بومیوه ایله دباغته اوء دیرلر واجوف  
 واوی کبی تصریف ایدوب مثلا ماضیء متکلمده اوءت ( قلت کبی )  
 واسم مفعولده یعنی سرح نام شجرک آء دینلان ثمریله دباغت اولمش  
 دری معناسنده مووء دینور ( مقول کبی ) ( سرح کله سنه مراجعت )

## ﴿ آب ﴾

عبرانی ده شهر قریه دن اون برنجی ماهک اسمی در اشبو ۵۶۳۰ سنه  
 عبرانیه سنک آب شهری ۲۹ ربیع الاخر سنه ۱۲۸۷ جعه کونی بدأ ایده جکدر  
 اوتوز کون . حالا سریانی لر آب دیرلر یوماه اغستوس دیدیکمز ایسه ده  
 انجق ایکی فرق ایله بری عبرانی و سریانی اغستوس یعنی آب قریه اولوب  
 دیکر لک اغستوس دیدکری شمسیه در ایکجسی عبرانی ده ابتدای سنه  
 تسری دیدکری تشرین اول اولدیغندن اغستوس اون برنجی آی در  
 فرنکی ده اغستوس سکزنجی ماه زیرا ابتدای سال کانون ثانی در تاریخ  
 رومی ده یعنی اسکی رومالیر حسابنده و حالا باب عالی و روسیه اعتبارلرنده  
 اغستوس النجی ای در

## ﴿ آب ﴾

کیما اصطلاحنده جیوهیه اطلاق اولنور کیمیا کران جیوهیه  
 ۳۲ اسم ویرمشلرایدی که شونلر در آب آبک سیماب آبق  
 فرار ابوالارواح اصل ام الاجساد پرنده تیر ناقب  
 جرهر ( جیوه ) ژیوه زیبق حل الذهب حی الماء روح روحانی  
 رجراج ناووق زمزم ستاره سحاب النور طیار  
 عبد عطارد عین الحیوان غبیط غبان ککرینده  
 لبن لجاج

## ﴿ آب ﴾

علم طب فروغندن بحث حیات اصطلاحنده جنینک مسجی مایعه  
اطلاق اولنور جنین رحم مادرده برزار ایله محاط اولوب بوزارک ایچی  
سوت رنگنده برصو ایله مملودر بوصوله جنینک نازک بالقی کبی  
چالقا نمقده اولوب خارجدن عارض اوله جق تضییقات موله دن  
محفوظدر وخارجدن بطن مادرك بر جسمله طوقوشماسی وچاشماسی کبی  
عارضه ایله جنین اورسه نمز وخصوصا بومایع طرق ولادتی تهیه ایله

## ﴿ آب ﴾

صو دیدیکمز سیال شفاف که سطح ارض ده موجود بالجمله  
اجسامک اکمبذول ومبارکی در آب قلیل بی رنگ کتیری خضرته  
وزیتونی یه مائل لونده کورینور بی رایحه درو علی العموم طعمی یوق دکلدر  
فقط ذوات الطعم دن معدود اولاجق درجه ده دکل بوندن سکسان  
طقسان سال اقدامه دک بسیط وعنصر ظن اولمشدی .  
تالیس دیمشیدی که هیولای موجودات عنصر مائدراون یدبجی قرن  
میلادی ابتداسنده اورویانک اکابر فلاسفه سندن اولوب فرانسه دولتی  
طرفدن مصرده قونسلوس ایکن لسان وعادات عربیه بی تدرس ایده ایده  
عرب کبی اولان موسیو « بونوا » تالیسک میلاددن التی یوزسال اقدام  
سویلس اولدیغی قول کهنه بی تجدید ایتدی ظن ایدر که جمله موجودات  
بطن بچمدن چیغمش یعنی صودن پیدا اولش اولوب تحولات متوالیه  
ایله قابلرد کیشه دیکشه شمدیکی صورتلرینی بولش اوله مشهورطبیعی  
« لامارک » دخی بویله زعم ایدر ( اسامی مر قومانه مراجعت )  
۱۷۸۳ تاریخ میلادی ده نیسلی « قواندیش » ویارسلی « لاووعازیر »  
صویک بسیط اولسایوب ایکی جزءدن مرکب اولدیغی اثبات ایتدیله  
وجزاردن بری طبیعتده اصل الحامض اولدیغندن بومعنایه دال اوقسچن

ودیکر اصل الماء اولدیغندن هیدروجن کلمات یونانیه سیله تسمیه قلندی  
اورو باکیا کرری اصل صوتی بالتحلیل یوزده ۱۱۱ او قسین  
و ۸۸۸۹ هیدروجن بولدیلر . (بو کله ره مراجعت )  
صو فی الطبیعه جامد و سیال و غاز شکلرنده کوریلکده در جامد شکلی بوز  
طولو قار . سیال میاه بحر و نهر و غدیر . غاز صورتی هوا ده اولوب  
تحوالات امرجه هوا یا خود تصنیفات ایله قاروی یا غور و دیگر صورتلری  
قابل بخار .

مزاج هوا منقسم مائه (سانتیراد) مقیاس حرارت ایله اره ایکن  
مکعبا عشر متر ماء مقطرک ثقلتی برلیزه اولوب مقیاس اشاغی یوقاری  
اولدیجه ثقلت مختلفدر (آب مقطر کله سنه مراجعت) بوز صودن خفیفدر  
آنکچون صوتیه باطماز . مقیاس مزبور ایله ۱۰۰ حرارتده وعادی تضییق  
هوائی تحشده صونفلیان ایدر و سرعتله تبخر ایلر (تضییق کله سنه  
مراجععت)

بالجمله آب طبیعی ده ایچنده تعیش ایدن حیواناته لایه اولان هوا موجوددر  
بو هوا تسمیه علی العموم هوای نسیمی دن زیاده صالح در . صو طبیعی  
اوله رق خالص بولماز ایچنده البته اجزاء اجنییه وار  
عامه نک معلومی بر مسئله در که صابونی جابق کویورتان و سبزه بی  
ایویشوران صو شربه صالح در . تحلیل اولمش آب خالص شربه  
اصلح دکل در . هر حالده ایچمکه الویرشلی و خوش اولان صو بر مقدار  
مناسب طوزی خصوصاً هوایی حاوی اولان صودر .

چامور ایله یا خود ایچنده مواد حیوانیه انحلالیه بوزلمش و قوقش اولان  
صو کوردن سوزیله رکه تصفییه اولنور یعنی کور سوز بکدن کچمکله معده  
قبولند صالح اولور .

صویک اکثر منافی هر کسه معلوم در . صویک خادم حیات اولدیغی  
علی بحث حیات ده اصولدن در (مراجععت) هله فن تدبیر منزل ده

و صنایع ده منافی بی شمار در جامد شکلنده ایکن مبردر تبریدک نیچه صنایع احداثه باعث اولدیغی تعریفدن مستغنی در سیال ایکن اجسامی سوق ایدر و تحلیل ایلر بخار حالنده اجسامی تحریک ایدر و ایورلر و ماکنه لر استه بو تحریک آتارندن در .

صویک داخلدن و خارجدن استعمالی نیچه امراضه دوا در حتی ۱۸۲۸ سال میلادیدن برو نمچهدده یالکز صوایله مداوات طب مخصوص اولوب آوستریاده (غرافنبرج) و پروسیاده و فرانسه ده بو طریق اوزره متعدد طب عملی مکتبری تشکیل اولمشدر . صفوق صو جاملری و مشوع احتقائلر بو عملی دن مستفاد در (طب . مداوات بالماء بختلرینه)

فته اسلامی ده صویک احکامی وارد در (طهارت . ماء . ماده لرینه مراجعت) ماء مطلق ماء مفید و میاه کبی عربی اسمله اصطلاح اولان صولری میه حرفه براقوب بوراده آب کله سنه اضافه اسکی و یکی بعض صولری و بعض اسامی بی ذکر ایده لم

آب افریقیان \* آب فرس آب قبط آب چین آب غرق  
آب مکسیقیان دخی دیرلر . صاچ صوی بی در که بربرلر صاری یا ییاض  
صاچی سنیا هلاقی ایچون قوللا نورلر . مضرشی در استعمالندن حذراوانده  
چونکه بو صولح فضه منجلی در بو ملجی کوشی خالص تیراب ایچننده  
حل ایدوب آلورلر دینک که بو صول تیراب ایله کوش یاسندن عبارت در  
صاچلری فنا ایده حکندن بشقه باش در یسنک نسجی دخی بوزار .

آب آرمانیاق \* باش صولرندن در برآدمک مثلا دپه سی اوزرینه  
دوشمکه یادیکر سیبله باشی ظاهر دن زده نسه آرمانیاق صویله اوغارلر  
غاسقونیا ده آرمانیاق مملکته نسبت اولنور . اعمالی جوز بوا قرنفل

دارچین نارچمکی یعنی بونلری بزم کیا کر رک ککل و شمذیکی رک اکثریا شراب روحی دیدکریله انبیقندن تقطیر ایندرل حاصل اولان آب مقطر اشته آب آرمانیاق دیدکری در .

آب اثیری و کافوری \* بر درهم کافوری ۳ درهم لقمان روحنده حل ایدوب ۵۶ درهم صویه فارشیدر لر

آب التیام \* طب قدما ده یاره اوکولدیجی صو اطبای متقدمین بعض اوتلرده یاره لره مرهمک خاصه سنک وجودنه قائل اولدقلرندن بو بولده اوتلردن میاه استخراج و ترتیب ایتشردی ازان جمله آب سویس واسویچره جایی دینلان صوکه آلپ طاغلرنده حاصل یرو لسانده (آلمان) فالطرائق دینلان عطر اوتندن استحصال اولنور فالطرائق ککل ده نقاعه سندن عبارتدر شمدی بویله صولر استعمالی یوقدر

آب انجماد \* طوز و دیگر طوکوب بلورلنان اجسامده کی ماء خفی بو صو او مثللو جسمک اجزاء ذاتیه سندن دکلدر یعنی جسمک وجودینه لابد جزء دکلدر مثلا طوز آب انجمادی ضایع اولسه ینه طوزدر . بعض جسمدن عادتاً حرارت ایله و اکثر اجسامدن یوز درجه حرارتله ضایع اولور (انجماد ماده سنه)

آب اوقسیجی \* صوایله اوقسیجن دن بر ترکیب متناسب آثار عجیبه سی واردر . مواد حیوانیه بی بوزار چوریدر . اسکی کهنه رسملری بو صو واسطه سیله تجدید ایده یلورلر حتی اسکی یاغلی بویالو حله ییله بونکله تازه نسور یکی یا بلش ظن اولنور فریق اولنماز . بو صویک طبابتده حسب الايجاب الیاف و اخلاطی تهیج ایجون استعمال اولنما سنه دائر

'درو یا اطباسی پیننده تصورلوار . بوریکی صودر . باریطه نام معدنه  
کشف اولمش وباریطوم تسمیه قلنمش اولان معدن بسیطک حض  
اخیرنی صامض قلوریء اخیرده حل ایتمکله استحصال اولنورنی ۱۸۱۸  
میلادی تئارد نام کیمیا کر بولشدر . بوضوده اون ورایمه یوق . چوقه  
استعمال اولندوقده یعنی متعدد اجسامه تماسی حالنده اوقسپچندن قورتیلوب  
عادی صو اولیورر .

آب بادرنگ \* ملیصاصوی اوغول اوتی ضوی مصحح معدنه  
وملثم جریحه خصوصا آفات عصبیه یه پک مفیددر کیفیت اعمالی بزده  
اوغول اوتی یا پراغنی تازه ایکن تقطیرایدوب صوینی شکرشربتیله  
ایچرلر قوریسی دخی قاینادیلوب ایچیلورسه ده خاصه تازه سنده در  
اوزویاده اوغول اوتی صوی دیدکلی شویله اعمال اولنور مثلا  
۸ درهم اوغول اوتی روحی و بردرهم دارچین روحی و ببری و کنیک  
و ۲ درهم جوزبوا و کشنش روحلی و بردرهم تازه آیسون و کویکواوتی  
وزوفا و تیش اوتی و سنبل ختایی و قرنفل روحلی و ۴ درهم لیون قبوغی  
روحی اشته آوزویاده آب بادرنگ بو ارواحک تناسب مذکور اوزره  
ترکیندن عبارت

آب باران \* افغانستان ده کابل مضامنا تندن سه یاران کبی و اونا حیده  
مشهور سیرکاه اسمی در

پیت

اگرچه جای خوش کابل آب باران است  
بهشت روی زمین خواجه سه یاران است

آب برک \* اسرپی که قورشونی دیدیکمزرنک (رنک کله سه)

آب برین \* یار ایرماق کنار لر زنده صوا او یوقلری

آب برین \* سواد الحکام جوز صمغی کهنه و قوف جوز  
 اغاچ لرینک کوکلرنده حاصل صمغ کبی مایع لزج  
 آب بو طوط \* اینسون قر نفل دارچین دن مقطر تقوع در که عنه  
 نقاعه سیله معطر قیلوب تیش صوی اولق اوزره آغز چالقارلر . موجدی  
 اولان قرن سابق ده مشهور تیشچی بو طوط نام ذاته مضاف در . غر غره  
 ایچون دکلدیر یالکز داخل و جنه ده آغز چالقاق ایچون در  
 آب یکران \* اختروکوکب (مراجعت)

آب تبرستان \* طبرستان ده برطاغده معروف بر چشمه روان اسمی در  
 مثلر ده مشهور در که او چشمه یه بر آدم سس و بر سه کسیلور او آدم

اورادن دفع اولمجه آماز

آب تبریه \* اردن ده طبریه قصبه سنده مشهور بر چشمه یه دبر لر  
 مثلر ده دینور که بو چشمه یدی سال اقا یدی سال قورر فی الواقع  
 چوق چشمه لر و چوق ییکار لر معاومدر که مدت معلومه آقا صکره  
 کسیلور اکثر یسنگ جریان و انقطاعی اوقات معینه ده در بوئک سببی  
 طاغردنه برطاقم قدرت کویلی و اردنر که یاغور لر بو کویلر ده ایلکیلور  
 و صوکوپ دیندن یول بولوب یرالشدن جریان ایدر ده مثلا اووهنک  
 بر طرفندن یا طلار خلق او محلی ییکار عدا یدوب و گاه چشمه بناء ایدوب  
 مدت معلومه ده صو آلور لر که اومت کویلر ده کی صویک مدت کفایت دن  
 عبارتدر نه صنعت در که قیش یاغور لرینی کویلر ده صاقلایوب ایام  
 صیفده صوسن اووالر خلقنه صوویرر . اشته بو اول قدرت در که  
 دسکز لدن اجزاء مائیه بی هوایه جذب ایدوب صوسن بریه ده کی

اغا جبرک ایاقلرینه روزکار ایله تقدیم ایدر

آب تسکین \* طبده مسکن و جمع واضطراب حد اولنان ادویه  
صنفتدن درخارجدن ملین و محلل و داخلدن دافع عنفونت کبی استعمال  
اولنور نوشادر و کل کافوری و طوزلی صوی ترکیبدن عبارتدر

تیزاب \* آب تیز آب ملك المعادن دید کلری که اصطلاح  
کیمیا کرانده ملك المعادن تسمیه قلنان آلتونی تحلیل خاصه سنی حائز  
تیزاب در (کزاب) آلتونی تحلیل ایچون تیزابی عرب کیمیا کرلی اختراع  
ایتدیکی شبهه سزدر فقط کیم اختراع ایتدی دیند کهه بودخی جابر نامنه  
اسناد اولنقده در ترکیبی تیزاب خالص دینلان حامض اخیر کهر حله پی  
طوز روحی (آسید فلور هیدریق . روح ملح داخن) ایله مزج ایلکن  
عبارت شمیدیکی اهل کیمیا بروجه مذکور طوز روحی قوللانور لر  
اسکی کیمیا کران تیزاب خالصه صوقا تقدین صکره (تیزاب ممزوج)  
بزمقداره ربعی قدر ملح نوشادر علاوه سیله استعمال ایدر لر دی اهل فنه  
خفی دکلدر که اوروی بالیرک قوللاندر کلری روح ملح داخن و عربلرک استعمال  
ایلد کلری ملح نوشادر و کذا ملح بحر ی هیپ بر قوت و تأثیرده در بو تیزاب  
فن کیمیا ده قیمتی بر محلل در آلتون و پلاتین و یالادیوم (کشف جدید  
معدن سفید) که تأثیر حوامضه مقاومت ایلمر معادن در تیزاب ایله حل  
اولنور تیزاب ایله حل اولنان معدن ملح قلوره منقلب اولور

تیزاب ممزوج \* ایچنه صومزج اولنمش تیزاب خالصدن عبارتدر  
اکثریت اوزره ۲۶ درجه ده اولور آلتون صیارینی اکلامق و جوهر قیمتی  
سنگ محکده امتحان ایلک ایچون قیومی لر قوللانور لر باقروبو کبی  
حک لوحه لرلی اوزرنده رسمله یدرمک ایچون حکا کلردخی استعمال ایدر لر

آب تانیه \* تیراب در درجه تانیه بواسطه اینکی صوم معروف در  
(۱) قیو محی تیرابی که خالص تیراب دینلان حامض اخیر کهر جله یه  
صومز جله درجه تانیه یه ذک ضعیف لاملش در (۲) نقاش آب تانیه سی  
قلیه کولک صوی در نقاشری یاغلی نقاشری سیک و تطهیر ایلک ایچون  
استعمال ایدر لر

آب چرا \* قهوه التي . کونده اوچ کره اکل وار که قهوه التي  
قوشلق بیگ تسمیه اولنور بزده و دنیانک هر طرفنده زمان قدیم ده و حالیا  
بویله در مثلا اسکی النوزده آرسطون (قهوه التي) دوریون (قوشلق)  
دینون (بیگ) واسکی رومی لزه جتا کم پران دیوم سنا موجود ایدی که  
بیگ آغر قوشلق آدن خفیف و قهوه آتی ده خفیف حاصلی بزده کی  
کبی ایدی رومیلرک صوک و قتلرنده بزم بعض محللر ده موجود یسولق کبی  
قومس سازبو علاوه اولمشیدی حالیا اوروپاده دخی اوچ در لکن واقعه  
وازمه یه کوره اوقات طعام مختلفدر اسلامده شوفضیلت واردر که  
طلوع شمسدن اقدم قهوه التي ایدر لر بونک صحت و کارجه منافی مسلمدر  
بوفضیلته باعث ایه صباح نمازینه قیام فرضیتی در اوزرینه کونش  
طوغدر میان و طلوعدن اقدم قهوه التي ایدن قوی البیه و درست فکر  
ومعراولور ممالک اسلامیه ده شوفضیلت دخی واردر که اکثر عادات ده  
اولساد یعنی کبی قهوه آتی و قوشلق و بیگ و قتلرنده دخی موده و کبار  
مقلدکی یوقدر حتی پادشاه قنغی ساعت ده قهوه التي ایدر مش تقلید دکل  
کیسه ارایوب صورماز فرانسه ده برنجی فرانسوا وقتنده زوالدن  
اوچ نباعت مقدم قوشلق و زوالدن صکره ساعت بشده بیگ یئرلردی  
اون دردنجی لویی زماننده بیگ تام وقت زوالده بینک فوده اولدی  
شمدی لرده تیا ترولر و قهوه خانه لر و اکلنجه یرلری کچه وقتیه او یومق  
قضیه صحبه سنی ترک ایتدیرمکله صباحلاین قالقان بولماد یغندن اسکیلرک

قوشلغی شمديکيلرک قهوه التي وقتی اولوش ( طعام وييمک ماده لرينه )

آب حیات \* اسلام و فرنگ اصطلاحلارنده مختلف معنالره در  
اسلام اصطلاحنده آب حیات آب حیوان آب حیات  
آب خضر ( آبدستان علمافی شمس اللغات ) هپ بردر شوکه مثلارده  
ظلمات ده بر چشمه موهومه اولوب آدن ايچن طول حیات صاحبي اولور  
خضر والياسه شربی نصيب اولديغندن الى يوم القيامة حی ایملر  
صحیبي متصوفه اصطلاحاتندن اولوب علملانی معناسنده اطلاق  
وبوبایده خضر کبی بسط قلب دن کنایه اولوق اوزره امثال تصویر ایدر لر  
کمال اصفهانی

در کلاک توسر غیب مضمیر در لفظ تو آب خضر مدغم  
وگاه عشق الهی دن کنایه اولور شعراء اصطلاحنده دهن معشوق دن  
کنایه درو بعضا نطق معشوق مراد اولور فرنگ اصطلاحنده  
آب حیات مسکرات دن عرق در ساقز راقی سی و فونیاق راقی سی و دیگر  
انواعی واردر ( عرق کله سنه )

آبخست \* آبخوست آبخو شول آطه که صوباصمش  
ایچنده تعیش ممکن دکل

آب خور \* تدبیر حیوانات اصطلاحاتندن . صویوره سی عربی ده  
عطن و هندی ده کههان دیر لر شول صویورینی که اوراده مواشی ونعم  
یعنی اهلی حیوان یتاقلری اوله

آب خورشید \* قدماي شمسرستان اصطلاحنده حیات دیمکدر که  
تجلی روحی فیض شمسدن عبارت زعم ایتدکلرندن حیاته

## آب خورشید دیرلردی

آب خیز \* ( طوفان کله سنه )

آب دار \* نباتات • براوت اسمی در که خرما لینی صنفتدن

آب دریا \* دکز صوی • لذتی طوزلی و براز آجی و معدہ بولاند ریچی  
 رایجده سی مخصوصا سواحلده کریه برازلزوجتی دخی وار دکز  
 صوی تحلیل اولنسه املاح کثیره تفریق اولنور قلورد ککبریت  
 قلیه مغزی یا (لسان العذراء) کلس و جزئی بروم طوزلی یواملاح  
 یوزده اوچدن درده قدر اخلاف اوزده بولنور بحر سفید سواحل  
 شمالیه سنده حرارت هواء ایله تبخر طبیعی دن ملح آریلور قالور  
 بو طوزه ملح بحری تسمیه قلور ملح قلوری و صودیوم دخی دیرل دکز  
 صوینک ثقلتی من ۲۵ رالی ۳۰ رالی سواحل ده ثقلتی و املاحی اورطه لره  
 نسبتله چو فیه در ۱۶ قرن میلادی ده حکمت طبیعییه علماسندن  
 یورطانام ذاب میاه بحری تقطیر ایله شربه صالح قیلمق چاره سنی  
 و لئیدی شمعی یه دک اور و یا علماسی الات تقطیری اصلاح ایده ایده  
 امر مز بوری تسهیل ایلدیلر واقعا تقطیر عقینده طاسسز اولور  
 فقط اون بش یکرمی کون تماس هوا یه براقلد قده عادتاصوچشنیسنده اولور

آبدست \* (۱) نقاش و مصور اصطلاحنده رونق و طراوت

نقش مناسبه در

نظامی

بنقاشی زمان را مرده داده

چنان در لطف خودش آبدستی

که بر آب از لطافت نقش بست

(۲) ادیان اصطلاحند و وقت مخصوصه تطهر معنوی دن عبارت

شرط عبادت در فقط اسلام دینیه مخصوص در که آبدست سائر

ادیان ده کی کی معنوی تطهر ز عقیدن عبارت اولیا یوب ظاهرا دخی

اعضای ظاهره بی تطهیر ایدر وطب اقتضا سنجه ممالک حاره ده حفظ

صحت نافع و علل ساریه نك تجاوزنی دافع در اشته یوران اسلام آبدستك

یومیه کثرت و تعددی دخی حکمتسن اولمادیغی اکلا شیلور ادیانده طهارت

صغری یعنی آبدست عدد اولنان شیلری ذکر ایده لم

آبدست هندی ادیان قدیمه هندده آبدست وقتی کونده بر کره

صباح و قبل الطلوع لکن هندده ادیانك اختلافی قدر کیفیت وضو لری

دخی مختلفدر مثلا «سوطرا» دیننده صو ایله یالکر دوداقرنی مسیح

کافی «وایسیا» دیننده مضمضه بس «خاطریا» ده غرغه لازم

«براهمه» ده مبالغه ایله غرغه حتی صو کوکسه قدر ایتمك فرض

هپسنه کوره آب دستلری غایج نهرندن اولق افضل

آبدست یهود حا حاملره فرض . بونلر آبدستسن حا و رایه کیرمکدن

و مراسم عبادته شروع ایتمك دن نهی اولندیلر - جاورا قیوسنده وضع

اولنان «بحر نحاس» تسمیه قیلدق لری یوک تیکنه بنم جامع شادروانی

قیلندن آبدست الماری ایچون در - یودی دیننده آبدستك وقت

مخصر صی یوق فقط غیر طاهر عدد ایتدک لری حیوانه و کذا جنام لوو برصلو

و دیگر عال ساریه جسمیه اصحابی کسانه مس ایلدک لری وقت آبدست فرض

آبدست غرق اسکی النوز مشرک لری دیننده طعامدن اول

و صکره وضوء یعنی ال یقامق تطهیر روح زعم اولنوردی جسم

دستی تطهیر ایچون اولدیغی ظن اولتمازدی مطرزی مغرب نام

لغتنده «هضه» کلمه سنه فقط ال بقامة . معناسله دخی . تفسیر ایلد

زین العرب مصابیح شرحنده (اولیله خاطر عاجزیده قالمش که) دوه اتی اکل  
ایدن کسه یه وضوء ایله امر ایدن حدیث شریفده کی « وضوء » کلمه سنه  
غسل ید معناسی ویرز

آبدست روم رومالینلر استحضار ایتدکلری ماء مخصوصی  
سریتمک ایله تطهیر روح زعم ایدرلردی (لوسترال) ماء مخصوصلری  
عادی صواولوب ایجنه موقده، نسیکه دن ینار اودون الوب طال دیرمقله  
طهور و مبارک عدا یدرلردی یا خود دکز صویندن آلوب ایجنه زیتون  
ودقنه ورعی الحمام پیراقلری آتارلر و پورطه دخی قاتارلردی روملر  
چوجقلرینه طوغدقدن برفاچ کون صکره بوماء مبارکلرندن سرپرلر مش  
آبدست قاتولک هر کلیسانک قیوسنده یا پاسک دعاء اوفورمش  
اولدینغی صو واردر که کلیسایه کیرن قاتولک یا رماغنی اصلا دوب یا شیله  
آلننه خاچ رسمی اشارت ایدر بونکله تجدید تعبد و شرط عبادت طهارتی  
تأدییه اعتقاد ایدرلر عادی صودر بعضا ایجنه طوز آتارلر بوندن  
مرادلری ملح تربیه دن کنایه اوله رق کویا حکمت نصرانیتک  
تربیه سنه اشارت ایمش

آبدست مسلمان \* شرط صلاة فرائض و تحو و یرت « یا ایها الذین  
آمنوا اذا قمتم الی الصلوة فاغسلوا وجوهکم و ایدیکم الی المرافق و امسحوا  
برؤسکم و ارجکم الی الکعبین » ۱ غسل وجه ۲ غسل یدین ۳ غسل  
رجلین ۴ مسح رأس سنن وضوء اون اوچ ۱ نیت ۲ تسمیه (القول  
من السلف فی تسمیه الوضوء بسم الله العظیم و الحمد لله علی دین الاسلام)  
۳ اولالریینی یقامق ۴ مضمضه اوچ کره ۵ استنشاق کذا ۶ سواک  
۷ تخلیل لیه ۸ تخلیل اصابع ۹ تثلیث غسل ۱۰ استیعاب ۱۱ مسح  
اذنین ۱۲ ترتیب ۱۳ موالات

مستحبات وضوء ایکی ۱ تیمم ۲ مسح رقبة (علی مذهب ابی

حنیفه رح)